

欽定盛京通志卷之三十一

城池 二

錦州府

錦縣

寧遠州

廣寧縣

義州

欽定盛京通志

卷三十一

目錄

一

欽定盛京通志卷之三十

城池二

錦州府

府城。即明廣寧中左二屯衛城也。遼置錦州。金元因之。明洪武二十四年。指揮曹奉即舊城址修築。週圍五里三百二十步。高二丈五尺。成化十二年。都指揮王鏊增展南北四十五丈。東西九十五丈。宏治十七年。叅將胡忠併築南關。週圍六里二十三步。形勢若盤。俗謂之盤城。門四。

欽定盛京通志

卷三十

城池二

一

東曰寧遠。南曰永安。西曰廣順。北曰鎮北。鐘鼓樓在中街。池週圍七里五百七十三步。濶三丈五尺。深一丈二尺。今城仍舊。週圍五里一百二十步。東有關廂小城相附。舊載三里一百六十步。高一丈五尺。門三。曰小東門。小南門。小北門。其增築之年無考。今按城基週圍二里。乾隆四十三年。奉

旨重修

謹案乾隆八年。十九年。皇上東巡。俱有

御製錦州道中詩。四十三年有御製錦州道上。恭依

皇祖詩韻。過錦州詠祖大壽事。錦州道中書事詩。四十八年有

御製過錦州六韻。錦州道上再依

皇祖詩韻。過錦州疊戊戌韻詩。俱恭載天章門。

事蹟

謹稽

實錄。天聰五年。我兵圍大凌河城。明總兵祖大壽降。

太宗縱還錦州。越四年。

命豫親王多鐸。率兵駐廣寧。大臣阿山石廷柱等。以兵

欽定盛京通志

卷三十

城池一

二

四百攻錦州。大壽令其副將劉應選。率兵三千

迎禦。而自勒步騎出城五里立營。我軍至大凌

河西。遇劉應選兵。阿山以敵眾我寡。遣人馳告

豫親王。王即移師馳赴。自山而下。塵起蔽天。明

兵大驚奔潰。我軍陣斬劉應選。殲其兵五百。大

壽退入城。崇德四年春。我軍圍松山。分兵駐錦

州西北烏馨河口。大壽時在寧遠。令副將楊震

祖克勇。徐昌永。率騎兵六百趨錦州。經烏馨河

口。我軍擊敗之。斬八十四人。擒楊震。

太宗自松山馳至錦州。分兵搜剿山寨。斬徐昌永。擒祖克勇以還。五年春。

命鄭親王濟爾哈朗等率兵修義州城。駐劄屯田。更番圍錦州。使民人不得耕種。

太宗親往閱視。有杏山城西五里臺之蒙古蘇班岱等。欲攜三十餘戶來歸。我兵往衛以行。明兵七千躡追。我兵還擊卻之。擒其副將楊倫。參將李得位等。六年春。我兵環錦州城。鑿長壕立營城郭。蒙古諾木齊等使人持書縋而下。約獻東關。爲

祖大壽所覺。欲擒衆蒙古。諾木齊率衆與戰。聲聞關外。我軍薄城下。蒙古縋繩援以上。夾擊祖大壽。追入內城。環兵守之。諾木齊率衆來歸。郭內戶口及器物。悉移義州城。時明總督洪承疇以錦州危困。集兵十三萬赴援。

太宗親統師擊却入松山城。重圍以困之。七年春。城破。擒洪承疇。及祖大壽之弟總兵祖大樂。遊擊祖大名。祖大成等。縱祖大成入錦州。與祖大壽相見。時錦州城中糧盡。人相食。祖大壽聞松山已

失。度錦州不能守。遣人赴鄭親王濟爾哈朗處。親王多爾袞營言若得見祖大樂。卽出降。兩王令祖大樂與使者見。三月丙子。祖大壽遣人請盟。兩王叱之曰。我軍圍因此城。旦夕可取。有何顧慮。乃與爾盟誓乎。欲降則降。不降則已。誰強爾降也。祖大壽乃遣其兄子祖澤遠。同其中軍官高勲乞宥罪。明日。率衆官詣軍門叩首降。獻錦州城。

太宗命諸王留兵駐防。凡祖大壽族黨及部衆。悉生全

欽定盛京通志

卷三十

城池二

四

贍養之。

錦縣

附郭

大凌河城

城東四十里。週圍三里二十步。門一。明宣德三年。置中左千戶所于此。屬

廣寧左屯衛。

本朝初設兵駐防。今置汛焉。並爲養息牧地。餘詳見山川卷大凌河注。

事蹟

謹稽

實錄。天聰五年夏五月。寧遠人張士粹來歸。又有兩人自錦州來歸。俱言明人築城大凌河。

太宗命葉努錫特庫喀木齊哈往覘。生擒二人。言明總兵祖大壽副將何可綱等。率山海關外八城兵及夫役築城。欲乘我兵未至時竣工。秋七月己亥。

太宗率貝勒大臣統大軍西發。八月丁未抵大凌河。進圍其城。

命大臣楞額禮率正黃旗兵。圍北面之西。額駙達爾漢率鑲黃旗兵。圍北面之東。貝勒阿巴泰率護軍在後策應。覺羅色埒率正藍旗兵。圍正南面。貝

勒莽古爾泰德格類率護軍在後策應。宗室芬古率鑲藍旗兵。圍南面之西。貝勒濟爾哈朗率護軍在後策應。大臣武訥格率左翼蒙古兵。圍南面之東。喀克都哩率正白旗兵。圍東面之北。貝勒多鐸率護軍在後策應。大臣伊爾登率鑲白旗兵。圍東面之南。貝勒多爾袞率護軍在後策應。額駙和碩圖率正紅旗兵。圍西面之北。大貝勒代善率護軍在後策應。大臣鄂穆岱率右翼蒙古兵。圍正西面。葉臣率鑲紅旗兵。圍西面。

之南。貝勒岳託率護軍在後策應。蒙古貝勒明安等。各率所部兵。于空隙處列營。額駙佟養性率舊漢兵。載紅衣礮。當錦州大道而營。

諭曰。攻城恐士卒被傷。不若掘壕築牆以困之。彼兵若出。我則與戰。外援若來。我則迎擊。于是諸將分赴汛地。環城四面掘壕。深廣各丈許。壕外築牆高丈許。牆上加以垛口。又離牆五丈餘。四週掘壕。廣五尺。深七尺五寸。壕上鋪秫稻。覆以土。營外亦掘壕。深廣各五尺許。

駕臨城南山岡。閱視有敵騎兵百餘出城。逐我採樵者。命侍衛率護軍擊之。擒其都司王延祚。庚戌。敵騎兵百餘出城。布顏圖譚拜率護軍擊之。斬三十餘人。獲馬二十四。辛亥。明步騎兵約五百出城。額駙達爾漢率八十人擊敗之。追至城壕而還。復有出城刈禾者。布顏圖率護軍四十人擊之。斬三十人。貝勒莽古爾泰德格類。所轄護軍。斬十八人。貝勒濟爾哈朗。所轄護軍。斬十五人。總兵官馬光遠。招降城南一臺。內百總一。男子五十。婦

女四口。遊擊范文程招降城西一臺。內生員一。男子七十二。婦女十七口。

命各付光遠文程贍養之。癸丑。

命大臣揚善翁阿岱蘇達拉率護軍列壕邊。遇敵人過壕。乃接戰。圖賚南楚哈克薩哈率護軍列兩黃旗之間。見敵人逐我採樵者。乃邀擊之。諸將甫至汎地。明兵出城誘戰。圖賚卽率兵往擊。額駙達爾漢率鑲黃旗兵繼進。四面軍士見之。亦各進戰。兩藍旗兵徑抵城壕。舍騎步戰。逼明兵入

壕。明兵墮壕死者百餘人。我兵獲馬三十。壕岸敵兵與城上敵兵礮矢齊發。兩藍旗兵乃退。是日。額駙佟養性督舊漢兵以紅衣礮攻城西南隅一臺。穿其雉堞。擊死一人。臺兵驚懼遂降。我兵列車楯于臺下。以礮攻城之南面。壞其雉堞四。敵樓二。又攻毀城東一臺。臺兵乘夜遁。我兵追及。盡殲之。丙辰。正紅旗牧馬取草兵。遇明臺軍出。被殺者十人。失駝十。馬三十五。大貝勒代善貝勒濟爾哈朗多鐸等率兵三千。往圍其臺。

發紅衣礮擊之。焚近臺房屋百餘間。獲駝馬三十餘。諸貝勒還營。留兵守之。及夜。臺軍突出。備禦留哈擊敗之。斬九人。生擒一人。言臺上死于礮者三十人。又獲駝馬牛三十餘。先是。

命阿山勞薩圖魯什率兵二百往錦州偵敵。擒明兵十人。又設伏路旁。獲七人。牛騾十餘。丁巳。明援兵二千自松山來。阿山勞薩圖魯什率兵三百擊敗之。斬百餘人。獲其纛一甲子。

命貝勒阿濟格碩託率領纛大臣每旗一員。精兵五百。蒙古兵五百。往松山遮擊。明援兵。

太宗親詣指示立營瞭哨之地。而還。越一日。明錦州副將二員。參將遊擊十員。率兵六千至。時大霧。覩面不相識。我軍列陣以待。忽有青氣自天衝入敵營。霧開如門。頃之。卽霽。阿濟格碩託遂率兵進擊。大敗之。追殺至錦州城。生擒遊擊一員。獲甲冑二百十九。馬二百有六。旗纛十五。是日。祖大壽遣兵出城。奪我軍已得之臺。甫樹梯。和碩圖。葉臣。芬古。色埒。武訥格。鄂穆岱。圖爾格。明安。

各率兵出營。偕敖漢、奈曼、蒙古兵齊進夾攻。大敗之。明兵奔入城。追擊至城壕乃止。九月乙亥。命譚布率護軍一百五十人。邀擊明兵出城樵採者。斬三人。生擒二人。庚辰。我軍攻克大凌河西五里外一臺。盡殲其衆。辛巳。

遣陣獲遊擊一員。攜大纛十五。小旗二。繞城下呼曰。山海關總兵遣我盡率所部兵來援。爲滿洲往圍錦州之兵所敗。斬殺幾盡。我被擒至此。癸未。偵知明山海關總兵宋偉。遵化總兵吳襄。寧遠巡撫邱禾嘉。率關外馬步兵悉入錦州城。

欽定盛京通志

卷三十

城池二

九

太宗以貝勒阿濟格。碩託。軍中兵寡。

命總兵官額駙揚古利率入旗護軍之半。往益之。丁亥。命貝勒多鐸率護軍二百。行營兵一千五百。額駙佟養性。率舊漢兵五百。攜車楯往擊。

太宗親率護軍二百。緣山前行。見錦州城南塵起。遣圖魯什。勞薩。率兵二百往覘。頃之。明兵七千。逐圖魯什等。至小凌河岸。

太宗見之。遂擐甲渡河。率護軍二百。直衝而入。敵兵七

千悉潰遁。追擊至錦州城。敵墮壕死者甚衆。城中復出步兵。列車楯大礮于城外。以騎兵隨其後。距我軍里許。

太宗督兵擊敗之。斬副將一。生擒把總一。乃收軍拜天。以兵留付阿濟格而還。至中途。凡殺創士卒。徧勞之酒。庚寅。

命營卒執旗幟。離大凌河城十里。馳騁揚塵。聲礮不絕。爲錦州授兵狀。祖大壽遂率兵出城。攻西南隅。我兵已據之臺。樹梯將登。我鑲藍旗鑲紅旗右

欽定盛京通志

卷三十

城池二

十

翼蒙古。烏嚕特蒙古。四營兵齊出奮戰。

太宗預率護軍伏山內。突馳進擊。敵知墮計。奔入城。陣斬臺下者十七人。中創死者百餘人。自是祖大壽閉城不敢復出。乙未。明太僕寺卿監軍道張春與總兵吳襄等率副將參將遊擊守備都司等官百餘員。馬步兵四萬餘來援。過小凌河。駐營掘壕。列車楯鎗礮。我哨兵馳告。

太宗親率行營兵之半往視。

諭諸將曰。敵壁壘嚴整。不宜輕戰。致傷我衆。且俟彼起

營前進。乘隙擊之。遂引軍還。戊戌。明兵四更起行。次長山。距大凌河城十五里。

太宗與大貝勒代善率兵二萬往擊。至則敵已列陣。

太宗密遣精銳設伏。扼敵歸路。以行營兵推戰車近敵。護軍及蒙古兵繼列。先令騎兵衝敵陣。敵鎗礮齊發。鉛子如雹。其聲震天。我騎兵縱橫馳突。飛矢如雨。敵敗却。我右翼兵悉衝入敵陣。先殺其步兵。四向追擊其騎兵。左翼兵避敵鎗礮。踵右翼兵而進。敵營未盡破。仍復拒戰。額駙佟養性。

欽定盛京通志

卷三十

城池二

十一

奉

命率所部兵屯于敵營東。發大礮火箭攻之。時有黑雲起。風從西至。敵乘風縱火。勢甚熾。將逼我軍。天忽雨。反風。敵營燬。其兵焚死者甚衆。我兵復合攻之。敵潰遁。截殺大半。追奔四十里。其先爲右翼兵追擊者。遇我伏兵發。悉殲之。陣斬副將張吉甫。滿庫。王之敬。盡獲其駝馬車牛甲冑器械。生擒監軍道張春。副將張洪謨。楊華徵。薛大湖。叅將姜新。遊擊黃澤。千總姜桂等。是日。祖大壽。

聞鎗礮聲。謂仍是設計誘之。不復遣一人出。冬十月丁未。

太宗以書三函。予祖大壽及副將何可綱張存仁。並命陣獲文武官二十三員。各以己意爲招降書。令千總姜桂齋往。祖大壽率衆官出城見之。與之食。謂曰。爾不必再來。我寧死于此城。不降也。己酉。

太宗遣官八員。率兵五百。盡出舊漢兵。載紅衣大將軍礮六位。將軍礮五十四位。攻魚子嶂臺。是臺峙立邊界。垣牆甚固。攻三日。擊壞臺堞。敵中礮死

者五十七人。叅將王景。攜男子二百三十九人。婦女幼稚三百三十九口。來降。遠近百餘臺。聞風惴恐。或降或逃。所遺糧糗。足供我士馬一月之需。王景旣朝見。

賜以貂裘貂帽。明日。翟家堡守臺百總一。生員一。率百人降。獲牲畜五十。甲寅。陳興堡守臺百總祖邦傑來降。

賜緞衣一。令往招臺內人降。不從。我軍用礮擊之。死傷大半。降者四十五人。是日。

遣陣獲叅將姜新往招祖大壽等。時大凌河城內糧絕，薪盡。我兵修築壕塹益堅，軍容整暇。祖大壽等謀突圍而出，偵我軍防守嚴密，一人不能逸而援兵自外至者，又敗潰窮蹙無計，乃出城與姜新揖見，令遊擊韓棟隨至。既朝見。

太宗命巴克什達海、庫爾禪與姜新送之入城。韓棟始來時由正黃旗大臣楞額禮所守之門入。軍士俱戎服執戟，林立門內外。及達海、庫爾禪送韓棟入城，楞額禮亦不容遽過，令遠立詢問姓名。

欽定盛京通志

卷三十

城池二

三

詳察面貌，一一驗畢，然後令行。韓棟目擊我軍紀律及堵守嚴密狀，料一人不能潛脫，還白大壽。大壽降志始決，其義子祖澤潤以書二函繫于矢，自城內射出，請

遣副將石廷柱往。丙寅，石廷柱、達海、庫爾禪、隆什、寧完我往城南臺下。大壽令韓棟送其子，可法赴我軍爲質。邀石廷柱過壕相見，言當先定攻取錦州之策，乃舉城歸順。石廷柱還奏。

太宗命同達海往諭曰：我旣招降爾等，復攻錦州，恐我

兵過勞。爾等降後。錦州或以力攻。或以計取。任爾等爲之。不然。爾等坐守城中。我惟有駐兵圍困而已。戊辰。大凌河城內各官。皆與祖大壽同謀歸降。獨何可綱不從。祖大壽令二人掖出城外。于我諸將前殺之。遂遣副將四員。遊擊二員。來誓。及暮。大壽至。

命入幄。坐于左。設饌宴之。

賜御用黑狐帽。貂裘。及金飾鞋帶。緞靴。雕鞍。白馬。大壽密陳取錦州之策。仍入城。已已。

欽定盛京通志

卷三十

城池二

十四

命貝勒阿巴泰。德格類。多爾袞。岳託。率副將八員。官四十員。兵四千人。俱作漢裝。偕祖大壽。率所屬兵三百五十人。作潰奔狀。襲取錦州。是夜二更起行。礮聲不絕。錦州城中聞之。以爲大凌河城中人得脫。分路應援。並爲我軍擊敗。會大霧。人覲面不相識。軍皆失隊伍。乃收兵還。十一月庚午朔。

太宗諭諸貝勒曰。與其留祖大壽于我國。不如縱入錦州。令其爲我効力。卽彼叛而不來。亦聽之。若不使往。

倘明國別令人據守錦州寧遠。則事難圖矣。今縱大壽一人去。而攜其子姪及諸將士以歸。厚加恩養。再圖進取。庶幾有濟。遂

賜大壽宴。

命石廷柱庫爾禪送之。隨行廝卒二十六人。皆與之馬。及晚。渡小凌河。徒步還錦州。是日大凌河歸降將士。皆薙髮。先是。明步騎兵及工役商賈。共三萬人。及我軍圍之。或戰死。或餓死。或相食。至是存者萬一千六百八十二人。馬三十餘。

欽定盛京通志

卷三十

城池二

五

命歛軍中米二百三十三石。分給之。察出滿州八人。前此逃入者。斬以徇。其蒙古人有兄弟親戚在敖漢。奈曼喀喇沁者。仍歸各部落外。尚存一千五百七十人。選其精銳者。

上與諸貝勒收養。其餘分撥八旗官員。及諸貝勒護衛。並國中富戶撫恤。乃悉毀大凌河至廣寧一路墩臺而還。

小凌河城

城東南十八里。週圍一里二百十八步。東南二門。

本朝康熙二十九年。設佐領驍騎校駐防。餘詳見山川卷小凌河注。

天橋塲城城西南五十里。週圍一里。門一。為控扼海口之地。
本朝雍正元年。設巡檢司於此。

錦縣界內歷代舊有城址

古大人城

城內府治東。相傳唐太宗征高麗時。儲粟于此。今圯。

古虹螺山寨城

城西五十里。考遼金元三史地理志。俱無此寨名。唐書亦不載。

其名。俗傳為渤海時所建。週圍二里。三百三十四步。東西南三門。今圯。

安昌永和村城

城西九十五里。遼置。金因之。元廢。週圍二里一百十九步。門四。

今圯。

右屯衛城

城東南七十里。元時為閭陽縣之臨海。瀾。明洪武二十六年。置廣寧右屯

欽定盛京通志

卷三十

城池二

共

衛于十三山堡。明年移此。葺公主寨故址。以為衛治。永樂中。指揮徐琦李通築城。週圍四里三百六步。高二丈九尺。門三。東曰鎮海。南曰永安。西曰迎恩。池深八尺。廣一丈。週圍五里八十六步。今城圯。池湮。俗訛為牛頭衛。○城東有舊枯凌衛。北為禿老子店村。四里屯。稍東為新莊屯。南為曹官屯。超屯雙屯。

錦縣界內諸堡

十三山堡

城東七十里。週圍一里二十步。堡之西北。曰戴家屯。島兒嶂屯。南曰成化

峪村。新甸村。

錦昌堡

城西二十里。週圍二里二百步。南一門。

太祖高皇帝壬戌年。征明。撫降之。今設汛焉。

鷹手堡

城西三十里。週圍一里三百步。南一門。

松山堡

城南十八里。明時設中屯千戶所于此。週圍三里一百二十步。門三。今仍分汛。

駐防。○謹案

本朝崇德六年。大軍取錦州。克捷于此。事蹟謹詳載山川卷松山注。

大勝堡

城北三十里。週圍一里四十七步。門一。

太祖高皇帝壬戌年征明。撫降之。今設汛焉。

大茂堡

城北三十五里。週圍一里一百步。門一。

太祖高皇帝壬戌年征明。撫降之。今設汛焉。

高山堡

城東南二十五里。週圍三百三十二步。南一門。

欽定盛京通志

卷三十

城池二

七

團山堡

城東南五十里。週圍二百四十步。門一。又有一。在城西南九十里。週圍一百六十步。

十步門二。

杏山堡

城西南三十里。週圍二里一百六十步。東西二門。今設汛於此。

本朝崇德七年。大軍取杏山堡。事蹟謹詳載山川卷松山注。堡東曰劉七屯。

大興堡

城西南四十里。週圍一里一百八十步。門一。

椴木衝堡

城西南五十里。週圍一里。門一。

塔山堡

城西南六十里。明宣德五年。指揮李旺建。設寧遠左屯衛于此。週圍三里四十步。

本朝崇德七年。大軍取塔山堡。事蹟謹詳載山川

卷塔山注。

長寧堡

城西南七十里。週圍一里一百三十四步。門一。

連山堡

城西南八十里。週圍一里二百六十步。門一。

沙河堡

城西南八十里。週圍一里一百三十四步。門一。堡之東為八家營子。北日穆

家屯。十里屯。

寺兒堡

城西南九十里。週圍一里三百四十六步。門一。堡之東為萬寶城。

流水堡

城東北二十里。週圍二里三十四步。門一。

營城子堡

城東北三十里。週圍一里六十步。門一。

石家堡

城東北四十里。週圍一里一百二十步。

臧家堡

城東北四十里。週圍一里二百十步。

欽定盛京通志

卷三十

城池一

六

齊家堡

城東北四十五里。週圍一里。

開州堡

城東北五十里。週圍一里。堡東曰魚子嶂臺。我

太宗文皇帝辛未年。征明。攻降之。堡北曰靠塔屯。羅

家屯。夏家溝。堡西曰于家屯。白廟子。

高橋舖

城西南五十里。週圍一里二十四步。門一。以上諸堡舖。皆錦縣駐防分汛。

寧遠州

州城。即明寧遠衛城也。本廣寧前屯中屯二衛

地。明宣德三年。總兵巫凱。都御史包懷德。上狀。

請分二衛地。於曹莊湯池之北。建衛治。賜名寧

遠。築城週圍五里一百九十六步。高三丈。門四。

東曰春和。南曰延輝。西曰永寧。北曰威遠。鐘鼓樓在中街。池深一丈五尺。週圍七里八步。明季增築外城。週圍九里一百二十四步。高如內城。門曰東曰遠安。南曰永清。西曰迎恩。北曰大定。四角俱設層樓。今因之。乾隆四十二年奉旨重修。

謹案乾隆八年。

皇上東巡。有

御製寧遠道中作詩。十九年。有

御製題寧遠祖氏石坊詩。四十三年。有

御製寧遠道中作歌。寧遠祖氏石坊疊舊作韻二首

四十八年。有

欽定盛京通志

卷三十

城池一

九

御製寧遠道中作。寧遠祖氏石坊再疊舊作韻二首。

俱恭載

天章門。

事蹟

謹稽

實錄。天聰元年。夏。四月。

太宗聞明人于錦州大凌河小凌河築城屯田。五月。辛

未。

親率諸貝勒大臣。由上榆林征明。甲戌。至廣寧舊邊。

命貝勒德格類。濟爾哈朗。阿濟格。岳託。薩哈璘。豪格。率

精銳爲前隊。令諸將率棉甲軍。攜雲梯。挨陴爲後隊。乙亥。入白土場。乘夜進發。前隊兵執明哨卒至。知右屯衛有兵防守。小凌河大凌河修城未竣。亦以兵駐防。錦州城繕修已畢。馬步兵凡三萬。丙子。

太宗率兩黃旗兩白旗兵。直趨大凌河。明守城兵棄城遁。大貝勒代善。貝勒阿敏。碩託。率正紅鑲紅鑲藍旗兵。直趨錦州。遂圍其城。貝勒莽古爾泰。率正藍旗兵。直趨右屯衛。丁丑。攻錦州城西隅。垂

克。明總兵趙率教。令城上三面守兵。并力合拒。辛巳。明巡撫袁崇煥。自寧遠遣二人齎書赴錦州。與太監紀用。爲我哨兵所獲。書中有調集水師援兵六七萬。將至山海等語。貝勒莽古爾泰。濟爾哈朗等。率偏師往衛塔山運糧士卒。前軍八十人。與明兵二萬人遇。擊却之。丁亥。額駙蘇納率蒙古兵往截塔山西路。遇明兵二千進擊。敗之。獲馬一百五十餘。壬辰。

太宗率代善。阿敏。莽古爾泰。濟爾哈朗等。率兵三千往

寧遠迎擊明援兵。癸巳黎明。至寧遠城北關。明遊擊二員。率步兵千二百餘人。掘壕以車爲營。列火器守禦。我兵面城列陣。攻其步卒。不移時。盡殲之。明總兵滿桂之兵。及密雲兵于城東二里列陣。沿城環列鎗礮。

太宗諭諸貝勒曰。此地逼近城垣。若卽進攻。難以盡力。縱擊可稍退。以觀動靜。于是退軍踰山岡。旣而環視明兵。仍堅壘不動。

太宗欲進擊。阿濟格請從。代善阿敏。莽古爾泰。皆以距城近。不可攻。勸阻甚力。

太宗命近御諸將。及侍衛等。皆冠兜鍪。

諭曰。昔

皇考攻寧遠不克。今我攻錦州又未克。若遇此野戰之兵。尚不能勝。其何以張我國威耶。遂

親率阿濟格。與諸將侍衛等。疾馳進擊。明前隊騎兵不能當。敗走寧遠城下。盡殪之。屍填壕塹。諸貝勒皆愧奮。不及胄。亦馳而進。明兵大敗。委棄甲仗。徧地。士卒死傷者無算。是日。我軍還駐雙樹堡。

六月己亥。攻錦州城南隅。因城壕深濶。難以驟拔。時值溽暑。天氣炎蒸。

太宗憫念士卒勞苦。遂班師。

中後所城

城西南八十里。明宣德三年。置前屯衛。中後千戶所于此。築城。週圍三里。

一百七十步。高三丈。門四。東曰潤和。南曰歌薰。西曰說澤。北曰寧瀾。池深一丈。廣二丈。週圍四里二百步。東南有關廂城。三面。週圍二里。十一步。門二。東曰威遠。南曰鎮朔。

本朝康熙初。設巡檢司。及佐領。驍騎校。官兵駐防。乾隆四十三年。奉

旨重修。

事蹟

欽定盛京通志

卷三十

城池二

三

謹稽

實錄。崇德八年秋九月。

世祖初嗣位。遣鄭親王濟爾哈朗。英親王阿濟格。統師
征明。壬寅。載紅衣礮。及諸火器。西發。甲寅。抵中
後所。乙卯。薄暮。移軍城北。填平壕塹。以紅衣礮
攻城。丙辰。城頽。遂用雲梯。挨牌。拔其城。擒斬遊
擊吳良弼。都司王國安等。二十餘員。及馬步兵
四千五百人。俘四千餘人。分兵略前屯衛中前
所等處。俘四百人。己未。由寧遠衛進發。庚申。抵

前屯衛立營柵。運挨牌雲梯紅衣礮于城西。自
亥時發礮攻城。明日午時城破。斬其總兵李輔
明。袁尚仁及副將以下官三十餘員。兵四千餘。
俘二千餘人。又分兵至中前所。明總兵黃色棄
城遁。遂拔中前所。俘千餘人。先後獲鎗礮駝馬
牛羊金銀等物。無算。

中前所城 城西南一百六十五里。明宣德三年
指揮葉興建。置前屯千戶所于此。週
圍三里八步。高三丈。門三。東曰定遠。西曰永
望。南無字。池深一丈。廣二丈。週圍四里三百
步。

本朝康熙二十九年。設佐領驍騎校駐防。乾隆四

欽定盛京通志

卷三十

城池二

三

十三年。奉

旨重修。十九年。

皇上東巡。有

御製中前衛詩。四十八年。有

御製中後所中前所詩。俱恭載

天章門。

寧遠州界內歷代舊有城址

南古城

城西三十五里。週圍二百十
六步。門一。建置年月無考。

海防五城

城南二里二百四十步。週圍一百九
十八步。門一。其二。在城南四里半。週

圍一百九十八步。門一。其三。在城南五里。週

圍一里一百步。門一。其四。在城南六里。二百

八十八步。週圍一百九十八步。門一。其五。在

城南九里一百八步。週圍一百五十八步。門

一。以上五城。皆明太監高起潛請

建。儲海運糧石於此。今俱廢。城址。

曹莊駐城城西南十二里。週圍一里一百二十步。明時設驛於此。并築城防衛。今裁。

中右所城城西南三十里。卽沙後所城。明宣德三年建。週圍三里七十二步。門三。東

曰永和。南曰南薰。西曰右定。今城圯。池淤。

東關驛城城西南六十里。週圍一里二百五十步。門一。明時設驛於此。并築城防

衛。今裁。驛南曰三里橋村。北曰望海甸村。又西南曰團河屯。

沙河所城城西南一百里。週圍一里二百二十步。門一。亦曰沙河驛。明置驛於此。

今廢。城圯。乾隆四十三年。

皇上東巡過此。有御製仍駐沙河所詩。恭載天章門。

欽定盛京通志

卷三十

城池二

二十六

前屯衛城城西南一百三十里。本唐時瑞州地。遼改來州。金復舊。元因之。明洪武已

卯。都指揮曹毅。因舊址修築土城。週圍五里三十步。高三丈五尺。宣德正統間。備禦畢恭

等。前後甃砌。門三。東曰崇禮。西曰武寧。南曰迎恩。池深一丈。濶二丈。週圍六里二百步。今

城圯。池淤。城西北曰平山營。城東曰高兒營。

高嶺驛城城西南一百五十里。週圍一里七十步。門一。明時設驛于此。并築城防

衛。今裁。

北古城城西北三十里。週圍一里一百二十步。門四。建置年月無考。

寧遠州界內諸堡

雙樹舖堡城東十八里。週圍二里。門二。

錫安堡

城西十二里。週圍一里。門一。

團山堡

城西三十里。週圍一里。門一。

仙靈寺堡

城西四十里。週圍一里。門一。

黑莊窠堡

城西五十里。週圍二里。門一。

錦川堡

城西六十五里。週圍一里。門一。

劉彥章堡

城西七十里。週圍一里。門一。

三道溝堡

城西八十五里。週圍三百二十八步。門一。

高臺堡

城西八十五里。週圍一里。門一。

瑞昌堡

城西一百五里。週圍三百三十步。門一。

欽定盛京通志

卷三十

城一

三五

平川營堡

城西一百二十里。週圍三百五十二步。門一。

三山營堡

城西一百三十七里。週圍二百三十二步。門一。

背陰嶂堡

城西一百四十八里。週圍三百五十二步。門一。

鎮邊堡

城北十八里。週圍一里。門一。俗名寨兒山堡。

鹽場堡

城西南二十五里。週圍一百二十四步。門一。

太祖高皇帝辛酉年征明。撫降之。今設汛焉。

曲尺河堡

城西南四十八里。週圍二里四十四步。門一。

高兒鋪堡

城西南一百十五里。週圍一里二里。門二。東曰寅和。西曰後膏。

灰山堡

城東北二十里。週圍一里三十六步。門一。

興水縣堡

城西北十八里。週圍一里十四步。門一。南關廂三百八十步。

正安堡

城西北二十里。週圍一里二十步。俗名白塔峪。我

太祖高皇帝壬戌年征明。撫降之。○以上諸城堡。皆寧遠駐防分汛地。

廣寧縣

縣城。卽明廣寧中左右三衛地。金時置廣寧府。元爲廣寧路。明洪武間。指揮王雄因舊址修築。都督劉眞甃砌。永樂間。總兵劉江增展東南關。宏治間。備禦胡忠展西隅。正德間。備禦李濂展南關。週圍五百四十六丈。池深一丈五尺。廣二

欽定盛京通志

卷三十

城池二

三

丈。週圍十一里四十五步。後展新城。週圍十七里。門六。東曰永安。南曰迎恩。西曰拱鎮。北曰靖遠。東南曰泰安。其西南一門。土塞角樓四座。西曰瞻秀。北曰鎮朔。東南曰柔遠。西南曰望京。鐘樓在大市東街。鼓樓在大市北街。嘉靖丁酉。都御史任洛總兵馬永重修。今按城週圍十里二百八十步。高三丈五尺。厚一丈五尺。南關廂三面。週圍三里二十步。門三。東曰宣化。南曰迎恩。西曰振武。內城與關廂共十四里二百四

十步。乾隆四十三年奉

旨重修。

謹案乾隆十九年。四十三年。四十八年。

皇上東巡。皆有

御製廣寧道中詩。並廣寧詠熊廷弼王化貞事詩。奉

天章門。

事蹟

謹稽

實錄。天命七年春正月。

太祖留族弟鐸弼。貝和齊及額駙蘇巴海。統兵守遼陽。

欽定盛京通志

卷三十

城池二

三

親率貝勒大臣統師。征明。乙卯。次遼河之東昌堡。丙辰

寅刻。大軍起營。辰刻。渡遼河。明防河兵見我軍

勢不可當。遂遁走。我軍前隊精銳。追擊二十里

外。至西平堡。乃止。申刻。大軍繼至。圍之。丁巳。招

其城守副將羅一貴降。不從。辰刻。布梯楯攻其

城。四面兵皆潰。午刻。克之。一貴及兵萬人。俱殲

焉。尚未收軍。偵者馳告廣寧城兵至。我軍迎擊。

未及成列。明總兵劉渠。祁秉忠。李秉誠。副將劉

徵。鮑承先。叅將黑雲鶴。麻承宗。祖大壽。遊擊羅

萬言。李茂春、張明先等引兵三萬乘機急戰。我兵不暇布陣，卽飛馳突入，奮射衝擊，明兵力不能支。我軍乘勝追擊，斬殺無算。至平洋橋堡，劉渠、祁秉忠及劉徵、黑雲鶴、李茂春、張明先戰死。全軍盡沒，惟李秉誠、鮑承先、祖大壽、羅萬言遁去。會暮，還軍。

太祖駐蹕西平堡，明敗兵入廣寧城。明經略熊廷弼、巡撫王化貞知西平堡已失，援兵盡殫，遂與監軍道高出、通判萬有孚等棄城入山海關。巡道高來乞降。

賜以銀及信牌，遣還。戊午，西興堡備禦朱世勳遣中軍王志高乞降，亦

賜以銀及信牌，遣還。是日論諸將士功，以所俘獲分別賞賚。餘者給散衆軍。己未，大軍起行赴廣寧。有我國人石天柱者前投明爲千總，至是偕秀才郭肇基出迎，曰：守城官吏皆遁，我等已守禁門。

矣。

太祖賜以所乘鞍馬。及令旗一。又正安堡千總來降。賜以信牌二。並遣還。庚申。大軍行至廣寧城東三里許。之望昌岡。城中北戶焚香。紳士庶民。備乘輿。設鼓樂。執旗張蓋。俯伏迎謁。未刻。入城。

駐蹕巡撫公廨。明遊擊羅萬言前逃入山。至是來降。其平洋橋守堡閔雲龍。西興堡備禦朱世勳。錦州都司陳尚智。鐵場守堡俞鴻漸。大凌河遊擊何世延。錦安守堡鄭登。右屯衛備禦黃宗魯。團山

守堡崔盡忠。鎮寧守堡李詩。鎮遠守堡徐鎮靜。鎮安守堡鄭維翰。鎮靜堡參將劉世勳。守堡臧國祚。鎮邊守堡周元勳。大清堡遊擊閻印。大康守堡王國泰。鎮武都司金礪。劉式章。李維龍。王有功。及閭陽驛。十三山站。小凌河。松山。杏山。牽馬嶺。正安。錦昌。中安。大寧。太平。大安。大定。大茂。大勝。大興。盤山驛。四十餘城之官。各率所屬兵民來降。

太祖駐軍十日。從廣寧城移軍向山海關。明經略熊廷

弼盡焚沿途村堡廬舍而走。大軍至中左所，乃還。大貝勒代善與

四貝勒率兵往義州，移其戶口。至則閉門以拒，招諭不從。遂攻克之，斬其駐守兵三千。

太祖還駐廣寧。二月癸未，

駕還遼陽，留諸貝勒統兵守廣寧城。以河西歸降各城堡官民移之河東。時有西平堡遁去副將鮑承

先亦來歸。

白土廠城

城北六十里。週圍一里一百二十步。門一。即白土廠邊門。詳見關郵卷。

欽定盛京通志

卷三十

城二

三

巨流河城

城東北二百三十里。

本朝崇德元年建。週圍二里。門三。南曰拱固。西曰鎮西。北曰靖邊。康熙二十年置巡檢司於此。乾隆四十二年移駐鳳凰城。四十三年奉旨重修。城南有古開城。西曰郭家堡。新民屯。

廣寧縣界內歷代舊有城址

高麗坂城

城東三十三里。週圍一里。今圯。

羊腸河城

城東四十五里。週圍一里。今圯。

小黑山城

城東六十里。週圍二里六十八步。門一。城之北曰團臺。項家屯。常屯。

大黑山城

城東七十里。週圍二里一百五十步。門一。城南曰十里牧。

盤山驛城

城東南五十里。週圍二百六十步。門一。明時置驛于此。今裁。

鍾秀古城

城西南三里。週圍二里二十步。金時縣治。明時置千戶所于此。餘詳古蹟

郡縣注。

閭陽驛城

城西南五十里。週圍二里五十步。南

裁。○驛東曰鄂陀堡。望山堡。北曰陳興堡。臺西北曰寧東堡。

高城

在閭陽驛城西。相傳為唐太宗征高麗時屯兵處。今圯。

廣寧縣界內諸堡

土堡子

城東三十里。週圍一里。

中安堡

城東三十里。週圍一里。七十二步。門一。

白旗堡

城東一百六十里。週圍一里。

欽定盛京通志

卷三十

城池二

三

本朝康熙二十九年。設佐領驍騎校駐防。乾隆十七年。移前屯衛巡檢駐此。

穿心堡

城東一百六十里。週圍一里。

馬市堡

城北二十里。週圍一里。一百六十步。門一。

鎮東堡

城北四十里。週圍二里。一百二十步。門一。我。

太祖高皇帝辛酉年征明。撫降之。今設汛焉。

高平堡

城東南九十里。週圍一里八十二步。東西二門。○堡南曰鎮武堡。北曰魏家城。

平洋橋堡

城東南一百二十里。週圍二百七十九步。門一。我。

太祖高皇帝壬戌年征明。撫降之。今設汛焉。○堡之西曰羊園子屯。南曰徐家屯。北曰達勒鄂謨。

傅家莊堡

城東南一百二十里。週圍三百三十一步。門一。

沙嶺堡

城東南一百五十里。週圍二里。門一。

鐵場堡

城東南一百六十里。週圍二里八十步。東西二門。明時設鐵場百戶所于此。今

設汎焉。

北鎮堡

城西南三十里。週圍一里。一百二十六步。南北二門。

中安堡

城東北三十里。週圍二里三百二十步。門一。我。

太祖高皇帝壬戌年征明。撫降之。今設汎焉。

鎮安堡

城東北五十里。週圍二里二百八十步。門一。我。

太祖高皇帝壬戌年征明。撫降之。○堡北曰蕎麥沖。紅石槽。

長永堡

城西北醫巫閭山之北。週圍一里有奇。門一。我。

欽定盛京通志

卷三十

城池

三

太祖高皇帝辛酉年征明。撫降之。○以上諸城堡。皆廣寧駐防分汎地。

義州

州城。本明義州及廣寧後屯二衛地。遼時為宜

州。崇義軍。金改義州。統宏政開義同昌三縣。元

因之。明改衛。洪武二十二年。指揮何浩。仍舊修

築。永樂宣德間。都指揮楚勇。發砌。週圍九里十

步。高三丈。門四。東曰熙春。南曰永清。西曰慶豐。

北曰安泰。池深一丈五尺。廣三丈八尺。週圍九

里一百六十六步。

本朝初屬廣寧。康熙十六年。陸續修葺。置城守及
巡檢司。雍正十二年。設義州。乾隆四十三年。奉
旨重修。

義州界內歷代舊有城址

馬嶺驛城

城東四十五里。週圍一里。門一。明時築城。置驛于此。今裁。

新站城

城東四十里。週圍一里。一百四十二步。其建自何代無考。

古饒慶城

城西五十里。金置。週圍一里。今圯。俗訛為饒慶縣城。詳見古蹟。

三角城

城東南五十里。週圍二百五十五步。門一。

營城

城東北二十里。週圍一里。

欽定盛京通志

卷三十

城池二

三

王半城

城東北三十里。週圍一里。門一。以上三城。建自何代無考。

大棘城

城西北。古顓頊之墟。慕容廆曾都此。今無考。

義州界內諸堡

永寧舖堡

城東二十五里。週圍二里。一百八十步。門一。

德勝堡

城西十五里。週圍一里。

大康堡

城西二十里。週圍二里。門一。我

太祖高皇帝壬戌年。征明。撫降之。今設汛焉。

太平堡

城西二十餘里。週圍一里。一百八十步。門一。我

太祖高皇帝壬戌年。征明。撫降之。今設汛焉。

齊家堡 城南四十五里。

景家堡 城東南二十里。週圍一里一百八十步。

石佛堡 城東南四十里。

破城子堡 城西南二十里。週圍五里。

八塔堡 城西南二十五里。週圍一里一百八十步。

團山堡 城西南三十里。週圍二里。門一。我。

太祖高皇帝壬戌年。征明。撫降之。今設汎焉。

大安堡 城西南三十里。週圍一里一百八十步。門一。我。

太祖高皇帝壬戌年。征明。撫降之。今設汎焉。○堡之西北。為二佛廟。近九官臺邊門。又西為孔家房。

欽定盛京通志 卷三十 城池二 三

身李三屯。接松嶺子邊門。

孫凌堡 城西南三十里。週圍一里。門一。

大定堡 城西南四十里。週圍二里。門一。我。

太祖高皇帝壬戌年。征明。撫降之。今設汎焉。○堡之南曰老邊屯。西南曰張綱屯。

正義堡 城東北十八里。存一碑。○堡西北曰趙家屯。

大寧堡 城東北三十里。週圍一里一百八十步。我。

太祖高皇帝壬戌年。征明。撫降之。今設汎焉。○堡之東為望民屯。望賓屯。

大清堡 城東北五十里。週圍二里三十步。門一。我。

太祖高皇帝壬戌年。征明。撫降之。今設汎焉。

大靜堡

城東北六十里。週圍二里。門一。

鎮彝堡

城東北六十里。週圍二里。一百八十步。門一。

瓦子峪堡

城東北六十五里。週圍二里。以上諸城堡。皆義州駐防分汛地。